

中國古典文學珍藏大系



唐詩

【編 張 偉】

【參】



吉林攝影出版社

中国古典文学珍藏大系

唐 诗

【第三卷】

吉林摄影出版社

唐诗卷下

许浑诗选

许浑，字用晦，丹阳人。故相圉师之后，太和六年进士第，为当涂、太平二县令，以病免，起润州司马。大中三年，为监察御史。历虞部员外郎，睦、郢二州刺史。润州有丁卯桥，浑别墅在焉。因以名其集。集二卷。今编诗十一卷。

陪王尚书泛舟莲池

莲塘称画舸，泛泛日华清。水暖鱼频跃，烟秋雁早鸣。舞疑回雪态，歌转遏云声。客散山公醉，风高月满城。

赠裴处士

为儒白发生，乡里早闻名。暖酒雪初下，读书山欲一作未明。字形翻鸟迹，诗调合猿声。门外沧浪水，知君欲濯缨。

对 雪

飞舞北风凉，玉人歌玉堂。帘帷增曙色，珠翠发寒光。柳重絮微湿，梅繁花未香。兹辰贺丰岁，箫鼓宴梁王。

王居士

筇杖倚柴关，都城卖卜还。雨中耕白水，云外棹青山。有药身长健，无机性自闲。即应生羽翼，华表在人间。

早秋三首

遥夜泛清瑟，西风生翠萝。残萤委一作栖玉露，早雁拂银一作金河。
高树晓还一作犹密，远山晴更多。淮南一叶下，自觉老烟波。

一叶下前墀，淮南人已悲。蹉跎青汉望，迢递白云期。老信相如渴，
贫忧曼倩饥。生公与园吏，何处是吾师？

蓟北雁犹远，淮南人已悲。残桃间堕井，新菊亦侵篱。书剑岂相误，
琴尊聊自持。西斋风雨夜，更有咏贫诗。

送段觉归杜曲闲居

书剑南归去，山扉别几年。苔侵岩下路，果落洞中泉。红叶高斋雨，
青萝曲槛烟。宁知远游客，羸马太行前。

寄契盈上人

何处是西林，疏钟复远砧。雁来秋水阔，鸦尽夕阳沉。婚嫁乖前志，
功名异夙心。汤师不可问，江上碧云深。

晨起二首

桂树绿层层，风微烟露凝。檐楹衔落月，帟幌映一作耿残灯。蕲簟
曙香冷，越瓶秋水澄。心闲即无事，何异住山僧。

残月皓烟露，掩门深竹斋。水虫鸣曲槛，山鸟下空阶。清镜晓看发，
素琴秋寄怀。因知北窗客一作卧，日与世情乖。此首一题作山斋秋晚。

盈上人

月沉霜已凝，无梦竟一作对寒灯。寄世何殊客，修身一作心未到僧。
二毛梳上雪，双泪枕前冰。借问曹溪路，山多路几层。

广陵道中

城势已坡陀，城边东逝波。绿桑非苑树，青草是宫莎。山暝牛羊
少，水寒鳧雁多。因高一回首，还咏黍离歌。

送同年崔先辈

西风帆势轻，南浦遍离情。菊艳含秋水，荷花递雨声。扣舷滩鸟
没，移棹草虫鸣。更忆前年别，槐花满凤城。

山 鸡

珍禽暂不扃，飞舞跃前庭。翠网摧金距，雕笼减绣翎。月圆疑望
镜，花暖似依屏。何必旧巢去，山山芳草青。

孤 雁

昔年双颉颃，池上霭春晖。霄汉力犹怯，稻粱心已违。芦洲寒独宿
一作立，榆塞夜孤飞。不及营巢燕，西风相伴一作逐归。

寓 怀

南国浣纱伴，盈盈天下姝。盘金明绣带，动一作风珮响罗襦。素手
怨瑶瑟，清心悲玉壶。春华坐销落，未忍泣蘼芜一作争忍嫁狂夫。

洛中游眺贻同志

康衢一望通，河洛正天中。楼势排高凤，桥形架一作挂断虹。远山
晴带雪，寒水晚多风。几日还携手，鸟鸣花满宫。

夏日戏题郭别驾东堂

微风起画鸾，金翠暗珊珊。晚树垂朱实，春篁露粉竿。散香薪簟滑，沉水越瓶寒。犹恐何郎热，冰生白玉盘。

长安旅夜

久客怨长一作良夜，西风吹雁声。云移河汉一作色浅，月泛露华清。掩瑟独凝思，缓歌空寄情。门前有归路，迢递洛阳城。

懿安皇太后挽歌词

陵前春不尽，陵下夜何穷。未信金蚕老，先惊玉燕空。挽移兰殿月，笳引柏城风。自此隋龙驭，桥山翠霭中。

示弟

自尔出门去，泪痕长满衣。家贫为客早，路远得书稀。文字何人赏一作谁人重，烟波几日归。秋风正摇落，孤雁又南飞。

神女祠一作圣女庙

停车祀一作祠圣女，凉叶下阴风。龙气石床湿，鸟声一作鸣山庙空。长眉留桂绿，丹脸寄莲一作兰红。莫学阳台畔，朝云暮雨中。

早发中岩寺别契直上人

苍苍松桂阴，残月半西岑。素壁寒灯暗，红炉夜火深。厨开山鼠散，钟尽岑猿吟。行役方如此，逢师懒话心。

行次潼关题驿后轩

飞阁极层台，终南一作童此路回。山形朝阙一作岳去，河势抱一作入关来。雁过秋风急，蝉一作鸡鸣宿雾开。平生无限意，驱马任尘

埃。

送从兄归隐蓝溪二首

名高犹一作尚素衣一作气高身不达，穷巷掩荆扉。渐老故人少，久贫豪客稀。塞云横剑望，山月抱琴归。几日蓝溪醉，藤花拂钓矶。一作莫遣蓝溪路，青苔满钓矶。

京洛多高盖，怜兄剧断蓬。身随一剑老，家人万山空。夜忆萧关月，行悲易水风。无人知此意，甘卧白云中。

思 归

叠嶂平芜外，依依识旧邦。气高诗易怨，愁极酒难降。树暗支公院，山寒谢守窗。殷勤楼下水，几日到荆江？

晚泊七里滩

天晚日沈沈，归舟系柳阴。江村平见寺，山郭远闻砧。树密猿声响，波澄雁影深。荣华暂时事，谁识子陵心？

经马镇西宅

一作马镇西故第

将军久已没一作没已久，行客自兴哀。功业山长在，繁华水不回。乱藤一作芹侵废井，荒菊上丛一作崩台。借问此中事，几家歌舞来？一作惟见军中卒，朝朝戏马来。

重游郁林寺道玄上人院

藤杖叩松关，春溪一作深桃药还。雨晴巢燕急，波暖浴鸥闲。倚槛花临水，回舟月照山。忆归师莫笑，书剑在人闲。

泛 溪

疑与武陵通，青溪碧嶂中。水寒深见石，松晚静闻风。遁迹驱鸡

吏，冥心失马翁。才应毕婚嫁，还一作从此息微躬。

送楼烦李别驾

琴清诗思劳，更欲学龙韬。王粲暂停笔，吕虔初佩刀。夜吟关月静，秋望塞云高。去去从军乐，雕飞代马豪。

献白尹

既乐天也

醉舞任生涯，褐宽乌帽斜。庾公先在郡，疏傅早还家。林晚鸟争树，园春蜂作蝶护花。高吟应更逸，嵩洛旧烟霞。

茅山赠梁尊师

云屋何年客，青山白日长。钟花春扫雪，看篆夜焚香。上象壶中阔，平生梦里忙。幸承仙籍后，乞取一作与大还方。

送前缙氏韦明府南游

酒阑横剑歌，日暮望关河。道直去官早，家贫为客多。山昏函谷雨，木落洞庭波。莫尽远游兴，故园荒薜萝。

看雪

松亚竹珊珊，心知万井欢。山明迷旧径，溪满涨新澜。客醉瑶台曙，兵防玉塞寒。红楼知有酒，谁肯学袁安？

赠僧

一作赵嘏诗

心法本无住，流沙归复来。锡随山鸟动，经附海船回。洗足柳遮寺，坐禅花委苔。唯将一童子，又欲上天台。

趋慈和寺移宴

高寺移清宴，渔舟系绿萝。潮平秋水阔，云敛暮山多。广槛停箫

鼓，繁弦散绮罗。西楼半床月，莫问夜如何。

留赠偃师主人

孤城漏未残，徒侣拂征鞍。洛北去游一作愁远，淮南归梦阑。晓灯回壁暗，晴雪卷帘寒。强一作更尽主人酒，出门行路难。

别韦处士

南北断蓬飞，别多相见稀。更伤今日酒，未换昔年衣。旧友几人一作多在，故乡何处归？秦原向西路，云晚雪霏霏。

九日登樟亭驿楼

鲈鲙与莼羹，西风片一作挂席轻。潮回孤岛晚一作远，云敛众山晴。丹羽下高阁，黄花垂古城。因秋倍多感，乡树接咸京。

寻戴处士

车马长安道，谁知大隐心？蛮僧留古镜，蜀客寄新琴。晒药竹斋暖，捣茶松院一作径深。思君一相访，残雪似山阴。

放 猿

殷勤解金锁，昨一作别夜雨凄凄。出浅忆巫峡，水寒思建溪。远寻一作好依红树宿，深向一作入白云啼。好觅来时路一作好去长江路，一作便觅南归路，烟萝莫共一作自迷。

将离郊园留示弟侄

身贱与心违，秋风生旅衣。久贫辞国远，多病在家稀。山暝客初散，树凉人未归。西都万余里，明旦别柴一作荆扉。

夜归丁卯桥村舍

月凉风静夜，归客泊岩前。桥响犬遥吠，庭空人散眠。紫蒲低水槛，红叶半江船。自有远家计，南湖二顷田。

题青山馆

谢公馆

昔人诗酒地，芳草思王孙。白水半塘岸，青山横郭门。悬岩碑已折，盘石井犹存。无处继行乐，野花空一尊。

春日题韦曲野老村舍二首

绕屋遍一作树桑麻，村南第一家。林繁树势直，溪转水纹斜。竹院昼看笋，药栏春卖花。故园归未得，到此是天涯。

北一作背岭枕南塘，数家村落长。莺啼幼妇懒，蚕出小姑忙。烟草近沟湿，风花临路香。自怜非楚客，春望亦心伤。

崇圣寺别杨至之

萧寺暂相一作相逢，离忧满病容。寒斋秋少燕，阴壁夜多蛩。树暗水千里，山深云万重。怀君在书信，莫过雁回峰。

途经李翰林墓

气逸何人识，才高举世疑。祢生狂善一作解赋，陶令醉能一作吟诗。碧水鲈鱼思一作怨，青山一作鸟悲。至今孤一作不堪遗冢在作上，荆棘楚江湄。

严陵钓台贻行侣

故人天下定，垂钓碧岩幽一作归钓独悠悠。旧迹随台古，高名寄水流。鸟喧群木晚，蝉急众山秋。更待新安月，凭君暂驻舟。

南楼春望

南楼春一望，云水共昏昏。野店归山路，危桥带郭村。晴烟和草色，夜雨长溪痕。下岸谁家住，残阳半掩门。

送无梦道人先归甘露寺

飘飘一作冲随晚浪，杯影入鸥群。岸一作萍冻行船雪，岩阴一寺云。夜灯江北见，寒磬水一作浦西闻。鹤岭烟霞在，归期不羡君。

闲居孟夏即事一作孟夏有怀

绿树荫青苔，柴门临一作向水开。簟凉初熟麦，枕腻一作润乍经梅。鱼跃海风一作云起，鼉鸣江雨来。佳人竟何处一作佳期今已晚，日夕上楼台。

溪亭二首

溪亭四面山，横柳半溪湾。蝉响螳螂急，鱼深翡翠闲。水寒留客醉，月上与僧还。犹恋萧萧竹，西斋未掩关。

暖枕眠溪柳，僧斋昨夜期。茶香秋梦后，松韵晚吟时。共戏鱼翻藻，争栖鸟坠枝。重阳应一醉，栽菊助东篱。

吴门送客早发

吴歌咽深思，楚客怨归程。寺晓楼台迥一作钟声远，江秋管吹清。早潮低水槛，残月下山城。惆怅回舟日，湘南春草生。

送太昱禅师

禅床深竹里，心与径山期。结社多高客，登坛尽小师。早秋归寺远，新雨上滩迟。别后江云碧，南斋一首诗。

旅怀

征车一作轮何轧轧，南北极天涯。孤枕易为客，远书难到家。乡连云外树，城闭月中花。犹中扁舟思一作兴，前年别若耶。

下第寓居崇圣寺感事

怀土一作玉泣京华，旧山归路赊。静依禅客院，幽学野人家。林晚鸟一作鸦争树，园春蝶护花。东门有闲地，谁种邵平瓜。

喜远书

端居换时节，离恨隔龙泷。苔色上春阁，柳阴移晚窗。寄怀因桂水，流泪极枫江。此日南来使，金盘鱼一作鲤一双。

怀江南同志一作送客

南国别一作去经年，云晴波接天。薄深韵嫌戏，花暖鹧鸪眠。竹暗湘妃庙，枫阴楚客船。唯应洞庭月，万里共婵一作娟娟。

洛中秋日

故国无归处，官闲忆远游。吴僧秣陵寺，楚客洞庭舟。久病先知雨，长贫早觉秋。壮心能几许，伊水更东流。

潼关兰若

来往几经过，前轩一作山枕大河。远帆春水阔，高寺夕阳多。蝶影下红叶，鸟声喧绿萝。故山归未得，徒咏采芝一作薇歌。

送客江行

萧萧芦荻花，郢客独辞家。远棹依山响，危樯转浦斜。不寒澄浅石，潮落涨虚沙。莫与征徒望，乡园去渐赊。

题宣州元处士幽居

潺湲绕门水，未省濯缨尘。鸟散千岩曙，蜂来一径春。杉松还待客，芝术不求人。宁学磻溪叟，逢时罢阴纶。

送李秀才

南楼送郢客，西郭见荆门。凫鹄下寒渚，牛羊归远村。兰舟倚行棹，桂酒掩余尊。重此一留宿，前村烟水昏。

赠梁将军

曾经黑山虏，一剑出重围。年长穷书意，时清隐钓矶。一作战机。高斋一作僧云外住，瘦马月中归。唯说乡心苦，春风雁北飞。

春望思旧游

适意一作何处极春日，南台披薜萝。花光晴漾漾，山色昼峨峨。湘水一作渚美人远，信一作汉陵豪客多。唯凭一瓢酒，弹瑟纵高歌。

病中二首

三年婴酒渴，高卧似袁安。和色鬓应改，夜凉心已宽。风衣藤簟滑，露井竹床寒。卧忆郊扉月，恩深未挂冠。

私一作欲归人暂适一作静，扶杖绕西林。风急柳溪响，露寒莎径深。一身仍白发，万虑只丹心。此意无言处，高窗托素琴。

姑熟官舍寄汝洛友人

官静亦无能，平生少面朋。务开一作闲唯印吏，公退只棋僧。药鼎初寒火，书一作香龕欲夜灯。安知北溟水，终日送抟鹏。

恩德寺

楼台横复重，犹有一作在半岩空。萝洞浅深水，竹廊高下风。晴山疏雨后一作外，秋树一作磬断云中。未尽一作竟平生意，孤帆又向东。

天竺寺题葛洪井

羽客炼丹井，井留一作存人已无。旧泉青石下，余一作移甃碧山隅。云朗镜开匣，月寒冰在壶。仍闻酿仙一作春酒，此水一作味过琼醑。

过故友旧居

往年公子宅，夜宴乐难忘。高竹动疏翠，早莲一作荷飘暗香。珠盘一作门人凝宝瑟，绮席一作坐客递华觞。今日皆何处，闭门春草长一作荒。

春 醉

酒匳花一树，何暇卓文君。客坐长先饮，公闲半已曛。水乡春足雨，山郭夜多云。何以参禅理，荣枯尽不闻。

题岫上人院

病客与僧闲，频来不掩关。高窗云外树，疏磬雨中山。离索秋虫响，登临夕鸟还。心知落帆处，明月溯河湾。

送客南归有怀

绿水暖青构，湘潭万里春。瓦尊迎海客，铜鼓赛江神。僻雨松一作归枫岸，看云杨一作漾柳津。长安一杯酒，座上有归人。

李生弃官入道因寄

西岩一径通一作千岩路不穷，知学一作访采芝翁。寒暑丹心外，光阴白发中。水深鱼避钓，云迥鹤辞笼。坐想还家日，人非井邑空。

长兴里夏日南邻避暑

侯门一作家大道傍，蝉噪树苍苍。开锁洞门远，下帘宾一作高馆凉。栏围红药盛，架引绿萝长。永日一欹枕，故山云水一作外乡。

送韩校书

恨与前欢隔，愁因此会同。迹高芸阁吏，名散雪楼翁。城闭三秋雨，帆飞一夜风。酒醒鲈鲙美，应在竟陵东。

秋晚登城

城高不可下，永日一登临。曲槛凉飙急，空楼返照深。葦花迷夕棹，梧叶散秋砧。漫作归田赋，磋跎岁欲阴。

南亭偶题

城下水萦回，潮冲野艇来。鸟惊山果落，龟泛绿萍开。白首书千卷，朱颜酒一杯。南轩自流涕，不是望燕台。

郁林寺

台殿冠嵯峨，春来日日过。水分诸院少，云近上方多。众籁凝丝竹，繁英耀绮罗。酒酣诗自逸，乘月棹寒波。

题崇圣寺

寺，故行宫也。

西林本行殿，池榭日坡隤。雨过水初涨，云开山渐多。晓街垂御柳，秋院闭宫莎。借问龙归处，鼎湖空碧波。

赠高处士

宅前云水满，高兴一书生。垂钓有深意，望山多远情。夜棋留客宿，春酒劝僧倾。未作干时计，何人问姓名。

送僧归金山寺

老归江上寺，不忘旧师恩。驻锡逢山色，停杯一作绕见浪痕。秋涛吞楚驿，晓月上荆门。为访题诗处，莓苔几字存。

金谷桃花

花在舞楼空，年年依旧红。泪光停晓露，愁态倚春风。开处妾先死，落时君亦终。东流两三片，应在一作到夜泉中。

忆长洲

香径小船通，菱歌绕故宫。鱼沉秋水静，鸟宿暮山空。荷叶桥边雨，芦花海上风。归心无处托，高枕画屏中。

寄殷尧藩一作再寄殷尧藩秀才

直道知难用，经年向水滨。宅从栽竹贵，家为买书贫。就学多新一作名客，登朝尽故人。蓬莱自有路，莫羨武陵春。

送僧归敬亭山寺

十年剑中路，传尽本师经。晓月下黔峡，秋风归敬亭。开门新树绿，登阁旧山青。遥想论禅处，松阴水一瓶。

新卜原上居寄袁校书

贫居一作新岁乐游此一作北，江海思迢迢。雪夜书千卷，花时酒一瓢。独愁一作吟秦树老。孤梦楚山遥。有路应相念，风尘满黑貂。

天街晓望

明星低未央，莲阙迥苍苍。叠鼓催残月，疏钟迎早霜。关防浮瑞气，宫馆耀神光。再拜为君寿，南山高且长。

江上喜洛中新友继至

战马昔纷纷一作两河滨，风惊嵩少尘。全家南渡远，旧友北来频。罢酒松筠晚，赋诗杨柳一作兰杜春。谁一作何言一作怜今夜月，同是洛阳人。

下第归朱方寄刘三复

素衣京洛尘，归棹过南津。故里迹犹在，旧交心更新。月高萧寺夜，风暖庾楼春。诗酒应无暇，朝朝问旅人。

月夜期友人不至

坐待故人宿，月华清兴一作欲秋。管弦谁处醉一作宿，池馆此时愁。风过渚荷一作蒲动，露含山桂幽。孤吟不可一作觉曙，昨夜共登楼。

白马寺不出院僧

禅空心一作心空已寂，世路任多歧。到院客长见，闭关人不知。寺喧听讲绝，厨远送斋迟。墙外洛阳道，东西无尽时。

寄袁校书一作袁都校书

扰扰换时节，旧山琪树阴。犹乖清汉志，空一作方负白云心，广陌埃尘远，重门管吹深。劳歌极西望，芸省有知音。

送客归兰溪

花下送归客一作君处，路长应过秋。暮随江鸟宿，寒共岭猿愁。众